

LA CIGALO E LA FOURNIGO

I

*Jour de Dièu, queto caud! Bèu tèms pèr la
cigalo*

*Que, trefoulido, se regalo
D'uno raisso de fiò; bèu tèms pèr la meissoun.*

*Dins lis erso d'or, lou segaire,
Ren plega, pitre au vent, rustico e canto
gaire:*

Dins soun gousiè, la set estranglo la cansoun.

*Tèms benesi pèr tu. Dounc, ardit! cigaleto,
Fai-lei brusi, ti chimbaletto,
E brandusso lou ventre à creba ti mirau.*

*L'Ome enterin mando la daio,
Que vai balin-balan de longo e que dardaio
L'uiiau de soun acié sus li rous espigau.*

*Plèn d'aigo pèr la péïro e tampouna d'erbiho
Lou coufié sus l'anco pendiho.*

*Se la péïro es au frès dins soun estui de bos
E se de longo es abèurado,*

*L'Ome barbelo au fiò d'aqueli souleiado
Que fan bouli de fes la mesoulo dis os.*